



REGIONE AUTONOMA DE SARDIGNA
REGIONE AUTONOMA DELLA SARDEGNA
ASSESSORATO DELLA PUBBLICA ISTRUZIONE, BENI
CULTURALI, INFORMAZIONE, SPETTACOLO E SPORT



SYNESIS RL
VIA TUVERI N. 10, CAGLIARI
0703495368-3755282076
PEC@PEC.INFOSYNESIS.IT



CITTA' METROPOLITANA DI CAGLIARI
SETTORE PUBBLICA ISTRUZIONE E SERVIZI ALLA
PERSONA SERVIZIO PUBBLICA ISTRUZIONE
CULTURA E BIBLIOTECHE

AVISU PÙBLICU

po pigai parti a laboratòrius de mùsica e cumponidura de testus in is gènerus musicalis pop, rock, reggae, hip hop, dub, etnorock e ska in lingua sarda in su sìtiu de su progetu de servìtzius po sa lingua e sa cultura sarda “TOTUS IMPARI PO SU SARDU”.

Artìculu 1. Ogetu

Custu avisu pùblicu cuncordat is maneras de iscrizioni e scioberu de scientis po sa partecipazioni a laboratòrius de mùsica in is gènerus musicalis pop, rock, reggae, hip hop, dub, etnorock e ska e cumponidura de testus in lingua sarda, promòvius de sa Tzitadi Metropolitana de Casteddu in su sìtiu de su progetu de servìtzius po sa lingua e sa cultura sarda **“TOTUS IMPARI PO SU SARDU”**.

Su laboratòriu fait parti de unu progetu de amparu de is minorias linguìsticas fueddadas in Sardìnnia finanziau de sa L. 482/99, artt. 9 e 15 - L.R. 6/2012, art. 13, comma 2 - L.R. 3.07.2018, N. 22, art. 10, commas 4 e 5.

Sa protzedidura intrea de arregòllida de is adesiones, de su scioberu de is candidaduras e de is diis de laboratòriu est gestia de sa sotziedadi Synesis srl, bia Tuveri n.10 - Casteddu, pec@pec.infosynesis.it.

Artìculu 2 - Distinatàrius

Is laboratòrius funt distinaus a citadinus bividoris me is comunus chi faint parti de sa Tzitadi Metropolitana de Casteddu chi si bolint acostiai a sa mùsica e a sa cumponidura de testus in lingua sarda.

Su nùmeru màssimu de partizipantis po dònna laboratòriu est stabiliu in 20 e si arribant dimandas in nùmeru prus mannu, ant a donai sa prioridadi a is picocus intre is 14 e is 35 annus.

Artìculu 3 - Laboratòrius

Is laboratòrius ant a essi fatus de espertus musicistas cun esperièntzia musicali famada e connoscèntzia de sa lingua sarda: Maurizio Marzo; Flavio Secchi; Renzo Cugis; Stefania Liori; Emanuele Pittoni.

Dònna laboratòriu prevedit una formazioni de 60 oras in totu, apariciada in una o duas letzionis a sa cida de duas oras donniuna.

Is letzionis s'ant a fai in custus logus:

Casteddu : Biblioteca Emilio Lussu, villa Clara, anca su Parcu de Monte Claro

Cabuderra : Casa Melis, corso Antonio Gramsci, n.80

Mara: Teatro Ex Montegranàtico, bia Umberto I

Sarrocù : Centro Famiglia, bia Raffaello n.3

Ceràxius : Biblioteca Comunali, bia Sant'Olìmpia n. 31

Sinnia : Centro Polivalente - pratzza Sant'Isidoro

Is laboratòrius ant a cumintzai in su mes'e ladàmini 2020, sighendi su calendàriu apariciau segundu sa disponibilitadi de is aposentus e de is maistus, e ant a acabai aintru de su 31 de martzu 2021.

Is atòbius ant a essi colletivus e s'ant a fai arrespetendi sempri e de manera pibincosa totus is atzionis chi serbint po limitai sa spratzinadura de su coronavirus.

Is laboratòrius tenint sa tarea de agiudai a s'acostiamentu a sa lingua sarda, e puru cussa de s'amanniamentu de is connoscèntzias specifìcas po podi sonai cantzonis chi faint parti de su repertòriu no-clàssicu de sa mùsica sarda.

In su petantis de su caminu imparadori su scienti at a arriciri is notzionis de fundòriu a pitzu de is tènnicas strumentalis, a pitzu de sa teoria musicali, sa ligidura a primu càstiu e interpretazioni de su spartidu, e po s'allenamentu de s'origa (ear-training), cumentu puru una presentazioni de is medas genias e linguàgius pop, rock, reggae, e de is variantis e sutagenias insoru.

A s'acabu de is 6 laboratòrius sa Tzitadi Metropolitana de Casteddu at a apariciai unu eventu finali aundi is scientis s'ant a cunfrontai a pitzu de su traballu fatu e de is testus scritus.

Is laboratòrius funt **a indonu**.

Artìculu 4 - Presentada de is dimandas de iscrizioni

Podint presentai sa dimanda de iscrizioni cussus residentis in totus is 17 Comunus de sa Tzitadi



REGIONE AUTONOMA DE SARDIGNA
REGIONE AUTONOMA DELLA SARDEGNA
ASSESSORATO DELLA PUBBLICA ISTRUZIONE, BENI
CULTURALI, INFORMAZIONE, SPETTACOLO E SPORT



SYNESIS RL
VIA TUVERI N. 10, CAGLIARI
0703495368-3755282076
PEC@PEC.INFOSYNESIS.IT



CITTA' METROPOLITANA DI CAGLIARI
SETTORE PUBBLICA ISTRUZIONE E SERVIZI ALLA
PERSONA SERVIZIO PUBBLICA ISTRUZIONE
CULTURA E BIBLIOTECHE

Metropolitana.

Is dimandas de iscritzioni ant a depi èssiri imbiadas a Synesis srl, dita arricidora de su servìtziu po contu de sa Tzitadi Metropolitana de Casteddu, imperendi sa modulistica alliongiada a s'indirizu mail: **totusimpariposusardu@gmail.com**

Su candidau at a dèpiri chistiri beni totus is documentus chi cunfrimant de àiri imbiau cussa dimanda, finas a su tempus de sa publicatzioni de s'elencu de is dimandas lòmpias.

Is dimandas de iscritzioni ant a dèpiri lòmpiri aintru e no a pustis de sa dii **03/10/2020**.

Po informatzionis sipodit tzerriai a sa Segreteria Apariciadora de sa dita Synesis srl operativa de is noi oras e mesu de mengianu (9.30) finas a mesudiì e mesu (12.30) de lunis a cenàbara a custus nùmerus 0703495368 - 3755282076 e a su curreu eletrònicu **totusimpariposusardu@gmail.com**

Artìculu 5 - Amitiduras a is laboratòrius

S'amitidura a is laboratòrius est libera e a indonu. Si iat a arrechèdiri a fai unu scioberu, po unu nùmeru de iscritzionis prus mannu de 20 participantis, at a èssiri donada prioridadi a is picocus intre is 14 e is 35 annus.

Artìculu 6 - Misuras apariciadoras po sa gestioni de s'emergèntzia de Covid-19

S'ativatzioni de is Laboratòrius depit arrespetai is normativas natzionalis e regionalis e is protocollus apòsitus chi permitant is atividades didàticas in presèntzia. In calisiat momentu, a segunda de cumenti bandat su caminu epidemiològicu e ponendi menti a sa normativa de riferimentu, sa Tzitadi Metropolitana de Casteddu at a pòdiri firmari is laboratòrius.

Candu funt fendu is laboratòrius, scientis e maistus ant a arrespetai de manera pibincosa meda a totus is arrègulas natzionalis e regionalis e a totus is inditaduras aciuntas po sa gestioni e su cuntinimentu de su virus Covid-19.

Is laboratòrius s'ant a fai a s'inforas, candu su tempus est bonu.

S'intrada at a èssiri proibida a cussus chi tèngiant s'ntomus de strobis a respirai (arresfriori, tùssiu, callentura) e a sa genti chi est in corantena.